

Թանալ հետեւեալ կրօնական արարողութիւնների հետ՝

Նոքա տարին մի անգամ կատարում են սըր-բաղան կրակը լուցանելու արարողութիւնը։ Արեւմտին բոլոր գիւղի երկսեռ բաղմութիւնը հաւաքւում է մի ընդարձակ յարկի տակ։ Այնտեղ պատրաստուած է լինում արդէն վառելիք յատկապէս արարողութեան համար պատրաստված կրակարանումը, ուր ուրիշ ժամանակ չեն վառում։ Երբ բոլոր բաղմութիւնը ժողովուած է լինում, բաց են անում գլուխները և խորին հանդարտութեան մէջ աղօթում են լուսեայն հետեւեալ մտքով՝ «ով երկնքի պարգև, որ ամեն օր իջնում ես երկիրը, միշտ ջերմութեամբ կեանք ես տուել մեր պապերին, և մեր հայրերին, հասացրել ես նոցա արտերը, պտուղները, կանաչացրել ես նոցա դաշտերը, ծառերը, այրել, մաքրել ես երկիրը իւր կեղտերից, քու կենդանութեան անսպառ աղբիւրը մեզանից էլ անպակաս արա ամեն ժամանակ, ամեն տարի, ամեն օր»։ Միւսին միջոցին հանգցնում են բոլոր լոյս տւող ճրագները*)։ Նոցանից ամենապատկառելի

*) ի տ ն օ Թ. Այդ սովորութիւնից առաջ եկած է «Ձրա — սոնդիւրան», անուանակոչութիւնը, որի համար Թաթարները խիստ խայտառակ պատմութիւններ են անում, որպէս Թէ ընդհանուր խառնակութիւն է լինում այդ մթութեան մէջ, Բայց այդ ամենը սուտ են։